



KUMUNIDADI DI MASSACHUSETTS
SKRITÓRIU IZEKUTIVU DI SAUDI Y SIRVISUS UMÁNUS
Dipartamentu di Sirvisus di Dizenvolvimentu
Divizon di Autismu
1000 Washington Street | Boston, MA 02118

Seténbru di 2024

Kiridu Provedor Kumunitáriu,

Sima nhu débi sabi, Divizon di Autismu di Dipartamentu di Sirvisus di Dizenvolvimentu (DDS) sta ku un programa pa **kriansas Autistas ku báxu rendimentu** ki txoma **Programa di Izénson pa Kriansas ku Autismu**. Kel programa li ta atendi kriansas ku **ménus di 10 anu** ki ta ten elijibilidadi klíniku y finanséru, inklundu ten ou ganha Siguru MassHealth Padrón. Nêš mumentu li, Programa di Izénson pa Kriansas ku Autismu podi txiga aprosimadamenti 500 kriansas pa anu. Programa ta guarda un kapasidadi Rizervadu (45 vágas pa kada stadu) pa kriansas ku 3 anu di idadi y ki sta sai di Intervenson Prikósi. Kriansas ki sta dentu di kês kritérius li di fazi parti di programa podi ben ser atendidu ti kês konplêta 10 anu. Tudu servisus di Izénson ta izíji ki kriansa kontinua ta kunpri rikizitus di elijibilidadi finanséru y klíniku pa Programa di Izénson duranti inskrison. Ten un táxa di rotatividadi na programa tudu anu; nton nu ta ben tra pididus di kel lista di Kandidatura pa prinxi vágas ki sta abertu.

Óji, nu sta pidi nhô ajuda pa nhu djuda-nu na divulgason di informason sobri prósimu **piriudu di Kandidatura** pa Programa di Izénson pa Kriansas ku Autismu. Divizon di Autismu ta ben **aseita novus pididus di inskrison** di famílias interesadu na kel programa **li na dáta entri di Outubru di 2024 pa 1 di Novenbru di 2024**. Inskrison ten ki ser karinbádu ou mandádu através di e-mai; pa pâis/inkaregadás di idukason ti dia **1 di Novenbru di 2024**.

Kel Izénson di Servisus na Kaza y na Kumunidadi li é un programa Medicaid ki foi kriadu pa djuda kriansas ku autismu a fika na sê-s kaza y partisipa di forma ativu ku sê-s famílias y na sê-s kumunidadi. Kel programa li resebi un parti di finansiamentu di Guvernu Federal. Servisu di izénson ta konplêta sirvisus di idukason spisial ki é dadu pa IDEA (Lei di Idukason di Algen ku Difisênsia). Ku ajuda di Programa, kada família ta ben ser obrigadu a kontráta un médiku spesialisadu pa kria un Planu di Apoiu pa Konportamentu Puzitivu, kriadu di forma individual, baziadu na un mudelu di terapia ki família skôdji, pa apoia nisisidadis di sê-s fidjus, y kontráta pisual di apoiu dirétu pa djuda na terapia intensívu individual ki foi indikadu na planu. Famílias ki sta na programa tanbé ten opurtunidadi di skôdji ôtus servisus di izénson, sima na atividadis di integrason kumunitariu y formason pa família, ki é kriadu pa djuda sê-s fidjus a dizenvolvi na árias rilasonadu ku konportamentu, konpitênsia sosial y kumunikason.

Un kópia di Formuláriu di Kandidatura pa Programa di Izénson pa Kriansas ku Autismu y Kandidatura Jeral di Família sta aneksádu en Inglés. Formuláriu di inskrison, avizu familiar y material rilasonadu (na un munti língua*) ta ben sta disponível na pájina di DDS através www.mass.gov/DDS y na kês sêti Sentrus di Apoiu pa Autismu rijional (lista di Sentrus sta disponível na pájina DDS). Pur favor, ka bu xinti mêdu di entra en kontáktu ku Divizon di Autismu pa AutismDivision@mass.gov ou na Sentru di Ajuda pa Autismu lokal si bu teni algun dúvida sobri prusesu di inskrison.

Atensiozamenti,

Mary Kate Haswell
Diretóra di Programa di Izénson pa Kriansas ku
Autismu

Stephanie Coburn
Diretóra di Programa di Izénson pa Kriansas ku
Autismu